



تمرة-رمضان - العدد رقم 21

يحررها خالد غنام أبو عدنان - استراليا

موائد الرحمن الرمضانية في فلسطين



### تكية رفح الخيرية

مشروع بدأ في عام 2018 مع حلول شهر رمضان بتوفير ما يزيد على 500 وجبة إفطار لنحو 200 عائلة تقطن في مدينة رفح، إضافة إلى توفير 100 سلة غذائية أخرى تتكون من 12 صنفا من الخضروات والفواكه ومستلزمات السحور بقيمة 100 شيكل ( 35 دولارا)". تندرج هذه المبادرة ضمن حملة سامح والتي كان هدفها زيادة أشكال التكافل الأسري والمجتمعي داخل القطاع من خلال اسقاط الديون عن المتعثرين بسبب الضائقة المالية، وتأتي هذه المبادرة كجزء من سلسلة نشاطات خيرية أطلقها مجموعة شبان من مدينة رفح بجهود فردية، حملوا على عاتقهم مسؤولية إدخال الفرحة لأهالي المدينة، رغم قلة الإمكانيات وضعف التمويل من الجهات المانح.

### من الكنايات الشعبية

- 1- عمل له جس: أي أصبح له صوت ورأي يستمع إليه وسط قومه.
- 2- عمله كفته: أي ضربه ضرب شديد لدرجة أن لحمه صار بلا نسيج مثل الكفتة.
- 3- عنده مفهومية: أي يفهم الأصول ويعرف حدود الأدب.
- 4- عيار فشكك: أي قول تهديد ووعيد بدون تنفيذ.



## حكاوي الشاطر حسن : تأليف خالد غنام أبوعدنان : الشاطر حسن والجاعد المرصود

كان يا مكان في راعي غنم اسمه الشاطر حسن ورث عن أبوه خمس غنمات وجاعد، وكان دائماً حاطط الجاعد على كتفه وهو قاعد ولما ينام بتغطي فيه، وكانوا الناس يعرفوا إنه هذا الجاعد ورثة أب عن جد لأهل الشاطر حسن، وإنه أغلب الرعيان يكون عندهم بدل الجاعد اثنين ثلاث، بس الشاطر حسن كان فقير مسخمت، وكانوا يعطوه غنمهم تا يراعهم ويسمنهن، وكان عايش بحاله بباله، ولما يطب على القرية كان ينام عند إمه ويزور إمامه، ودايم دوم كان يعطيهم حليب ولبنة ويعطي كمان جيرانه وإصحابه، كان الشاطر حسن مش تاع مشاكل ولا عمره تعدى على حدا، وعشرين هيذ كان المختار بعزه وكل إكبارية القرية، ولما صار وقت جيزته قاله المختار عرسك علي نقي وستنقي أحلى عروسة وأنا بدفع مهرها ويفرد فرشها، وصارت إم الشاطر حسن توخذه يشوف عرايس، لحد ما دق هواه في دار أبو سامي أخو المختار، وقال لإمه إنه بده نوف بنت شلبية وبتحب حياة الرعيان، وعينها مليانة وطلباتها على قد الحال، وراحت إمه تجس نبض إم سامي، وإلا قالتها بوافق بشرط يجيب لي الشاطر حسن روس خمسة ضباع، ما هو إللي ما عنده مهر مصاري، بده يكون عنده شوبوية الفوارس وعن بنتي يعرف يحامي، لما يوخذ بنتي بده يتيمها بالعريشة بين الوحوش الضارية، فردت عليها إم الشاطر حسن: إنه الضباع والذباية عمرها ما أكلت غنمة من غنماته والبلد كلها بتشهد إنه الشاطر حسن لا بهاب السباع ولا الضباع.

هذا القول المخفي أما المخفي فإنه سامر ابن أختها لأم سامي كانت عيونه من نوف، وبده إياها، ونوف وحيدة أبوها يعني أرضه وحلاله مردهم لنوف، ولما عرف سامر بقصة الشاطر حسن صار يترصد له بده يفصح عيوبه المستورة، ولما غلب حماره، راح لعند شبة البصارة وقالته: إسرق الجاعد منه بصير يخاف من الفار هذا الجاعد مرصود وهو إللي حاميه وهو ما بلسبه غية وزينة لع هذا بصد عنه شر الإنس والجن ويرعب السباع والضباع. وبعديها طلع سامر على الخلا ولقى لعند قنيص وزعرانه، وأعطاه خمس ليرات ذهبية تا يسرق جاعد الشاطر حسن، وصار قنيص يترصد للشاطر حسن وهجم عليه مع خمسة من زعرانه وصاروا يضربوا فيه بنص الليل، وشرّدوا الغنم وسرقوا الجاعد، ولما انهزموا صار الشاطر حسن يللمم بالغنم الخايف من عتمة الليل، وما لحق يللمن إلا طلعه ذيب وصار بده يوكل غنماته، فتنس عن الجاعد وفقده وما لقاها، أخذ عصاته وظله يهاوش بالذيب ويتلقى خرمشاته، وصار الدم يُشّر من وجهه وبده بس ظله واقف مثل السبع يفزع لغنماته لحد ما قلل الذيب ونجا ونجت غنماته.

الصبيبات رجع لعند إمه وخبرها بإللي صار، وعرفت إمه إنه كيد نسوان، فقالت لحسن أترك غنماتك بالوحوش وإطلع على الخلا وما ترجع إلا بروس خمس سباع، وأنت غريمك سامر مش قنيص، وأنت الشاطر حسن بجاعد وبلا جاعد. أخذ الشاطر حسن حماره وسيفه وزوادة ومية وطلع يتصيد ضباع، وصار ينزل وديان ويطلع جبال لحد ما لقي سبع ضباع، ظله تا طلع الصبح وناموا الضباع، هجم عليهم وقطع راس واحد منهم وقبل ما يصحصحوا كان شارد، ولما صحت الضباع هاجت وتفرقت، وصار الشاطر حسن يزوي بين الصخور ولما يشوف ضبع لحاله يهجم ويقطع راسه لحد ما ذبح أربعة ضباع، شاف باقي الضباع متجمعة وظله يعاقب فيهن وما خلاهن ينامن طول النهار، ولما صار الليل جاعن قد ما طاردن وراه، وإجا واحد من الضباع بده يوكل من الضباع المذبوحة بس الضبعين الثانيين صاروا يهتوا عليه لحد ما ذبحوه، ساعيتها وأع الشاطر حسن غصون ناشف بالنار وصار يرميها سهوم على الضبعين لحد ما صاب واحد منهن وصار يعوي من وجعه، وبعديها هربوا الضبعين على وادي ثاني، نزل الشاطر حسن وقطع روس الضباع وحطهن بالخرج.

وربط الضباة بحبل وسلطن بحصانه لعند مغارة قنيص، واستنا لصبح لحد ما ناموا كل الزعران، وراح دخلهن على باب المغارة، وتمه راجع عند الضبعين وصار يهوش فيهن لحد ما وصلهن لعند مغارة قنيص تركهن، شمن ريحة إخوتهم المذبوحة وفاتن جوات المغارة وقتلوا قنيص وزعرانه. رجع الشاطر حسن على إمه وأعطاه روس الضباع الخمسة، ومنها عرف إنه سامر لابس الجاعد وقاعد بتمختر فيه بين شبان ويقول إنه لابس جاعد مرصود وما بقدر عليه إنس ولا جن، طاح الشاطر حسن على ميدان القرية وقال لسامر: إنت طول وأطول مني وزندك أعرض من زندي، وفوق كل هذا لابس جاعد مرصود، وهذا جاعدي أب عن جد وإسأل عنه أهلي وأهلك، بس أنا راضي أباطحك وإللي ببطح الثاني يكون الجاعد إله، فرد عليه سامر هذا الجاعد شريته بحر مالي، وإللي باعني إياه أخذه منك وأنت عنه ما قدرت تحامي، وأنا برضى أباطحك وإللي يغلب بوخذ الجاعد ونوف بتصير عروسته، قام رد عليه الشاطر حسن: يا حيف على الشرف هاي بنت خالتك وهي من أهلي لا هي غنمة بتتشرى ولا جاعد بنهرى إلهها قلب بنهوى وإللي هي بتهواه بتصير حليلته، وإن كان فكرك على قنيص وزعرانه فأكلتهم الضباع وأخذوا مغارتهم.

تحلقت الشباب والشاطر حسن بنص الساحة وسامر فات إجر لورا وإجر لقدام، وقاله هذا جاعد مرصود وما بتقدر تلمسني، رد عليه الشاطر حسن إللي بصدق حكي البصارة عقلاية يا خسارة، ولولا إنه الجاعد من ريحة إجدادي ما عمري حطيته على إكتافي، وهجم الشاطر حسن على سامر وبطحه بضربه وحدة وسحب الجاعد منه، وزت الجاعد على جنب وقاله تعال بطاح بلا جاعد وإلا يدك إياه، وسامر ظله بأرضه وعرف إنه البصارة كذابة، راح الشاطر حسن حط الجاعد على إكتاف سامر وصار يلطوش فيه وهو يقوله خلي الجاعد يفزعك وإلا أنت إفزعله، وقد ما حس سامر حاله تبهدلنت وقيمته سقطت بين الشباب، انهزم وراسه بالأرض وما عاد فتح ثمه بكلمة.

حط الشاطر حسن الجاعد على كتفه وزفوه الشباب على دار إمه، واستقبلتهم إمه بنمورة الحلبة وكاسات الماء ورد، وحطت على راسها سدر الحنا وقالت الليلية نوف بتتحننا وبكرا بتتام عينا، وهي مهرها روس الضباع وعريسها الشاطر حسن إللي ما بهاب الموت، بطل بدون جاعد وإلا بحسبه جبان ينزل يباطحه بالميدان، الشاطر حسن وانولد شاطر عمرها الذباية ما سرقت منه غنمة، وما بتحسبوا الزلومية حكي ورقص الزلومية بتبان وقت الشدة. وثاني ليلة عمل المختار للشاطر حسن ونوف عرس بصيوان ومناسف، لهون عرفنا من حكايتهم وظلت بالبال سيرتهم.



## صدر حديثاً



### فلسطين في قرارات القمم العربية والإسلامية

صدر حديثاً عن «مؤسسة الدراسات الفلسطينية» كتاب من إعداد وتقديم ماهر الشريف وخالد فراج، ويقع الكتاب في 353 صفحة. يتضمن الكتاب قرارات القمم العربية الخاصة بقضية فلسطين ومدينة القدس المحتلة، منذ «قمة أنشاص» الأولى سنة 1946 حتى «قمة تونس» سنة 2019. ويسبق كل قرار، من هذه القرارات، مقدمة قصيرة تدرجه في سياقه التاريخي. كما يتضمن الكتاب قرارات القمم الإسلامية بشأن قضية فلسطين ومدينة القدس المحتلة، منذ عقد القمة الإسلامية الأولى في مدينة الرباط في سبتمبر 1969

